

# Х У Н Ё Н

Нэхур ю йи жэзыни. Тамуди щинсы Ма. Мажа лёнку шулигэ нүзы, минзы жэди Майүнхуа. Тамуди гуонян чундихын. Йүнхуа йи до чи суйшон ба мама вучонли. Дада хэпа нүзышон ю зуэнан та мэ чү пэнэн. Жы йитян та чэли хынцезы ятурму фэдини, ятурму дэ гади дузы вэли. Та ба мян щёнщёр литу солдцезы мян, зулидяр юца. Таму чыли, зыху лэлигэ ё нетирди лопэзы. ~~Йүнхуа~~ ги лопэзы фэди:

- Ни дансы зо лэцер, вэ ги ни ёгичер фан.

Лопэр фэди:

- Мэсы, ни жума, шанбэ жы лён тян литу зүгэ чигэ суй туэжуэзы ги егиму санги.

Йүнхуа фэди:

- Э-й, вэму лян чычиди мэюму, хан нани зү чигэ туэ-туэр ги егиму санни.

Лопэр мэ фэ са, вончү зудини, <sup>ЙҮН</sup> Юнхуа ги та фэди:

- Ни дын йиха. Вэ ги ни гуа йи зуй.

Юнхуа чи ба гуэ гуали, гиги лопэрли. Лопэр е мэ щян-тан ба гуэба чышон, желигэ дүва зули.

Жы йитянт лохан фэлигэ лопэзы, та дэлигэ нүр, минзы жэди Гуандонүр доли лоханди жянили Лопэзы ба лоханди нүзы канди йуан, ба зыжиди канди жин. Ба лоханди нүзы йи тян до хи дади бу тын. ~~Юнхуа~~ Няннян лоханди жуоня бу чын, жиннян ги жуоня чынли. Лохан мэли зүгэ ён. Хунён ба гэжэди нүр тын-ди вэ жяни жё зуэдини, жё лоханди нүзы Йүнхуа фон ёндини.

Жы йитян жэрд <sup>вонди</sup> пэнён вандэли. Вон тянтян зуэди хуэй ги зыжи жяншүан щифурдини. Йүнхуади мама ги та фынха йи то

Йишондини. Тинжян вон жянцун шифурдини, хунён ба ■■■ Йунхуади йишон жё гэжяди нүзы чуаншон жода вончили. Йунхуа фон ёндини, күди гэжя ги гэжя фэди: " Вэ мама ги вэ лохадди йишон. Та ба вэди йишон чуаншон жянцун вондини. Вон дэ каншон канбушон. Ган ■■■ вон ба та каншон, та ба вэди йишон чуан юдёни." Жыни пёфандини, ломохуонфын лэ ба етиму нүзыди нянцян гулузы гуашон шынцянди дуннили. Та ганжин гыншон чили. Чи жы йикан, шынцян лопэр зё коншон зуэдини, хан тадини:

- Ни жинлэ вэди ва, хуан йиха.

Йунхуа жинлэ ги шынцян лопэзы фэлигэ саляму, зуэхали. Та хуанлиха, шынцян лопэзы ги та фэди:

- Вэди ва, ни ба ди со йиха, ба гуэтуди хуэй ба йиха.

Йунхуа ба ди соли, ба гуэтуди хуэй бали. Шынцян лопэр кэ ги та фэди:

- Ни ба нёсуе да тянтон эр халэ, ба хуэй ги яндунни сахалэ.

Йунхуа йи сылён, шынцян лопэзы зыян тадини. Та ба хуэй лян нёсуе надо йуанйуанни чи эрдё, лэ ги шынцян лопэр фэди, ба хуэй дэ нёсуе эрдёли. Лопэр мё янцун. Йунхуа щён хуэйчини, лопэр жё та жинлигэ фонзынили. Та жы йикан йи фонзы жин-йин, жыжу мано дэ дайлин бошы. Та кэ жы йикан йи дуй жинхуар. Лопэр жё та нани, кэсы Йунхуа бу ё, щони. Лопэр чуйлиха, жинхуар жондо Йунхуади бинжянинили. Йунхуа щюди ба ту вуди хуэйлэли. Лохан ба нүзы вынли, нани нали жыгэ жинхуа. Йунхуа ги та ба йиман сычин фэгили. Лохан гошинди, фэсы худа

Тянтон?

ги таму гили хунйүн. Тинчян лохани хуа хунён хынди фэли:

- Хунйүн бу до вэмушон хан до нимушонни!

Лохан мэ фэ са. Та чүчи ган зыжиди сычин чили.

Ди эртян хунён ба гэхяди нүр Гуандонүр дафа жё фон ён-  
чили. Ломохуонфын ба тади няндян гүлүзы гуашон зули. Та доли  
лопәрди гынчянти. Шынчян лопәр жё та жуэ туни, кэсы та мэ жуэ  
жэ та ба ди содэ, ба хуэй бадэ, ба нэсуэ да тьянтоншон эрни, б  
ба хуэй фын яндуншон сани. Хунёнди нүзы Гуандонүр жочү лопәр  
фэхяди ганли. Та зуни, лопәр жё та жинли фонзынили. Канчян  
жинхуар зу ба йигэ тушон чёндэ цотунзынили. Лопәр жё та ба  
шу фэни, та фэчили, ба жинхуар фэчүлэли. Шынчян лопәр жё та  
куэкуэди фын жэр жё зуни. Гуандонүр нингуэчя жёнмыр зуни,  
шынчян лопәр нянлигэ жу ба күдан бядо тади бинчяншонли. Гуанд  
донүр ба ту вучү хуэйлэли. Канчян жыгэ хунён йүэцин чишон-  
лэли. Та хынди ба күдан гэхалэ фэдэ вэту, зыху лэ ба йүнхуади  
жинхуар йи дозы гэхалэ бядо гэхяди нүзыди бинчяншонли. Та  
кэ жё тади нүзы дабанди ээ вонди хуэйшон жянцүан вончили.  
Йүнхуа кэ фон ёнчили. Та күдини, кэ ломохуонфын лэ ба тади  
ён гуадо шынчян лопәрди дун гынчянти. Йүнхуа кэ доли нэтарли.  
Канчян лопәр йүнхуа ганжин фэлигэ сөляму, зыху күтуэли. Лопәр  
годи бу жё та кү. Йүнхуа ба йиман сычин ги та фэли. Йүнхуа  
ги лопәр жуэли тули, ба ди соли, ба гуэтуди хуэй ба жин, начи  
додэли. Шынчян ги йүнхуа фэди, жё та ёзы гүхани. Йүнхуа ёзы  
жыни гуха чулэлигэ хуон бофу. Ба бофу гэкэ жы йикан дузы  
йишон, жинзы, жинжүэ, лён жыр жин хэ. Лопәр жё та чуаншонни,  
кэсы йүнхуа бу дайин, фэсы та цони. Лопәр нин гуди жё йүнхуа  
ба йишон чуаншонли, жин гэхызы, жин эржуйзы дэшонли, жин  
хэ чуаншонли. Та йиха лян тьяннүр йиёнхали. Лопәр фэди жё та е

зэ вонди хуэйшон чини. Йүнхуа бу чи, кэсы лопэр ~~и~~ йи чуй,  
 ломохуонфын ба та гуадо вонди мын гынчянли. Йүнхуа до чиди  
 сыхур, вонди хуэй ванли, ду чо вэ чүлэдини. Та е чо хуэй  
 зунн, ба йи жыр жин хэ жодэли. Йүнхуа бу жыдо зү сани. Жы  
 йикан вонди жинлубодянди мынкан чяни йигэ муту тун, та зу  
 ганжин зуандо литули. Чүлэди жынму литу йигэ ба жин хэ  
 шыли, зу ганжин доли вонди гынчян, гиги вонли. Вон фынфуди жэ  
 зо жин хэди жүрни. Вонди жынму ба жин хэ жур золигэ гуэр,  
 кэсы мэ зокуэ. Таму чо хуэй зудини, доли жинлубодян гынчян,  
 литу йигэ ба муту тун литу кангилиха, йиха ханли йишын. Жын-  
 му по лэ жы йикан, муту тун литу зуэди йигэ гунён, зуцён тян-  
 ну. Таму кэ йи кан та зынди йи жыр жин хэ. Вонди жынму ба  
 Йүнхуа жуондо батэжешон тэдо вонди гынчянли. Вон жы йикан, зу  
 каншнли, ганжин ги гэжя нянли. Жыхур Йүнхуа чынли вонму-  
 нёнли. чинсы йи гуэ вонмунён ги етиму дэ гуафу ~~и~~ пәнёнму  
 сан чычини. Та ги яхуанму фынфуди жэ зу йигуэ афлани. Жыгэ  
 сыхур вон ба гуй сычин гуан ванли зыху, лян йи базы жынму зэ  
 танни чы гуачили. Вон хуэйлэ жы йикан зүди йи гуэ афла, та  
 хэчиди ба йи гуэ афла тигили йи жүе, фэдисы тасы вон, пэе жэ  
 зү афлани. Та зули. Йүнхуа е хэчиди фихали. Вон лян бинмаму  
 доли гуадини, зэ нэтар чыли, хэли. Хуэйлэди сыхур, кангуади  
 ги та дуанли сыгэ гуа жэ ~~и~~ вонмунён чыни. Вон хуэйлэдини,  
 зы зу, за бу дый до жя. Та ган хубор доли жянили. Бамынди  
 жы йикан фын вонди дазышон це вонха тондини. Та ба вон вынди,  
 жысы са це. Вон жы йикан шыдашы це. Та ба дазы литу жы йикан  
 сыгэ жынди ту. Ба вон хали жы йигэ. Жэр ги вон динли сы зуйди.

4  
 3  
 1  
 2

Вон элиге кухуан жинли жинлубодянли. Та канса, тади шифузы  
 вонмунён хан фидини. Вон же Лунхуа челяэ, вынди цунса та хан  
 фидини. Ии жян вон, Лунхуа кули, зыху ба гехяди туни йугуэхэ  
 ди гуонийин фэли йи бял. Вон йиха минбийли. Та йиха хули хуэй-  
 ли, цунса ба агла тили йи жүэ. Вон ги Лунхуа фэди, жирге ги  
 та дин сызуйни, зыху чүчили. Лунхуа кэ күди фэсы, та етиму  
 шынха золи нанли, жыхур кэ эо нанни.

Вон доли динзуйди вирыншонли. Яйиму ба сыгэ жын ту ээ  
 туни тидини, таму хан мэ гедо жуэзы готуни, сыгэ жын ту  
 йуан чынха сыгэ гуали. Ду чечихали. Жэр вон ба йиман сычин ги  
 дажун фэли. Таму ба лэнгэ гуа чыли, ба лэнгэ гуа сунги  
 вонмунён-лоханди нүзы Лунхуали.

Фэли гүжирди жыныс Носан Айша, 48 суй. Жүди  
 диронсы орунзе чын Карл Маркс хонзы 140-хо хонзы.  
 Щели гүжирди жыныс Хырхыэстан Куэщүэ Академияди  
 куэщүэжын Хасанов Махмуд. Щели гүжирди жынысы 1962  
 нян жойүэ 25.